

Transkription von Stadtbucheintrag HWI 1387b

Ort, Datierung: Wismar, 1387-07-23

Signatur: Stadtarchiv Wismar, Liber proscriptorum, S. 24-25

Inhalt: Rat der Stadt Wismar: Verfestungseinträge

Anno lxxxvij^o Sequenti die b(ea)te marie magda(le)^{ne} . /

Peter crogher . en beckerknecht . is veruestet . dar / vmme . dat he wichmanne enem schoknechte hefft
/ anghe wrocht ene lemede vn(n)d heft em ghe / nomen mid welde vn(n)d mid wolde . sinen rok . dar .
/ he mede verwunnen is . mid alleme rechte in der . / yeghenwardicheit her peter stromkendorpes
vn(n)d / her johan müdwillen /

Vorwerk vn(n)d sin knecht . sint veruestet . dar vmme dat / se warendorpe vn(n)d spikernaghele .
vn(n)d hans heghere . sloghe(n) / mid ener quaternen [?] den cop en twej . dar se mede worde(n) / ghe
yaghet . van eren hoykene(n) vn(n)d van eren mesten jn der . / yeghenwardicheit myner heren
vorscreuen /

Mathias van gewesmolen is veruestet dar vmme dat / he Rughe hanse heft an ghe wracht . blut vn(n)d
blau in de(n) / prame /

ghercke ghildemester is veruestet ¹ henneke hagenow / bertold dryspet vn(n)d claus wyss bodekere .
sint ver/uestet dar vmme dat se henneke hoppenere hebben / an ghewrocht en vulcomene wunde an
nachtslapener / deet mid ener samedenhant //

Konneke pluckebrade is veruestet dar vmme dat he / rouet hans wulue vn(n)d zin wyf vn(n)d sine
rinder ² vn(n)d [...] / ghenomen ere hoykene zwerd budelrouw dōke vn(n)d [...] / binnen deme
lanturede /

Hermen vn(n)d lywolt brudere gheheten van orze to wūse[...] / sint veruestet dar vmme dat se merten
wiscuren spro[...] / to vele quader wort vn(n)d negheden em to egghe vn(n)d ort [...] / vn(n)d wolden
ene dot hebben slaghen do he se manede vmme / sine schulde /

Werneke grustake is veruestet dar vmme dat he / tilzeken runt vor deme erse . heft ghe worpen med
eneme / meste de lywen en twej in der yeghenwardicheit myner / heren vorscreuen /

Merten gustekow is voruestet dar vm(m)e dat he heft / Gydeken gelt van styhende vp gheboret myd
welde vn(n)d myd / woelt . also alze he deme rechte vntweken is des tydeke myd / alleme rechte recht
ghe worden is in der ieghenwardecheyt / her pet(er) st(r)omekendorpes vn(n)d her johan modwyllen /

Henneke van bulow myd dem enen oghe is voruestet / dar vm(m)e dat he claus bullen heft an
ghewrocht ene / vlllenkomene wunden an mynes heren vrighen straten / vn(n)d myd eme nichten
wiste wenne ghūth . in der je=/ghenwardecheit myner heren vorbenom(ed) /

Eggerd bybow is voruestet dar vm(m)e dat he / sculten de(n) wullenweuere af gherauet heft sin
are(m)borst / vn(n)d blut vn(n)d blawe an ghewrocht heft in der ieghe(n)=wardecheit myner heren
wv vorbenom(ed)

¹ **is veruestet** im Original gestrichen

² Verschreibung? **kinder**